

Martin Larralde

Larre berdeak, etxe zuri teila gorriak,

jendarme auto bat

bidean bildots artean pasatzen.

Etxe elizetan otoitzak,

betiko otoitzak neguko kearen antzera

lehun igotzen.

Martin Larralde ez da sekula itzuli,

baina itzuli balitz

(arantzak barrurantz itzuliak lituzkeen

sagarroia bezala)...

Itzuli izan balitz, zer? Gaur igandea da,

larre berdeak,

etxe zuri teila gorriak, jendarme autoa bidean

Bayonne 17 panopetik.

Jendea familia erretratuetan bezala

larritasuneraino

perfumaturiko arima erakutsiz doa mezara.

Inork ere ez du

(dena ohitura, dena errua, dena barkamena)

oroimenaren

korapiloa deslotzen. Inork ez du

koblakaririk behar...

Martin Larralde honelako egun batez hil zen

galeretan,

begiak zabalik etzanda, agian, zerua

itsaso zikin bat dela esanez.

Joseba Sarrionandia